

四庫未收書輯刊編纂委員會編

四庫未收書輯刊

北京出版社

肆輯・拾柒冊

四庫未收書輯刊

四庫未收書輯刊編纂委員會編

北京出版社

肆輯・拾柒冊目錄

越女表微錄六卷首一卷〔清〕汪輝祖撰

一

從政觀法錄三十卷〔清〕朱方增撰

四五

王陽明先生圖譜一卷〔明〕鄒守益等撰

四六七

姓史人物考十五卷首一卷〔清〕章履仁輯

四八七

〔清〕汪輝祖撰

越女表微錄六卷首一卷

清乾隆四十五年雙節堂刻增修本

乾隆庚子年鐫

越女表微錄

雙節堂藏版

越女表微錄序

越女表微錄者余友蕭山汪君煥曾承節母之訓著爲錄以表章同府貞節婦之微隱者也先是煥曾奉兩節母家居微甚兩節母閔勉劬肄處之泰然煥曾益自感奮漸以學行著於時具兩節母事狀自大吏以聞

詔建雙節坊於里而煥曾亦成進士光顯矣越者節母微時嘗僂述里中節婦志行其茹苦大致相埒用自慙煥曾耳熟焉既建坊節母又悲諸婦之同處憂患而終於泯泯莫有聞也煥曾緣母意先据所知者白於縣具冊以俟纂載縣志既而推廣之及於同府得貞節婦之

越女表微錄

部序

一

隱晦者山陰會稽蕭山餘姚諸暨嵊六縣合計之約三百餘人白於院司許爲旌其門久之復徵諸上虞新昌又得若干人條繫件記閱八九年而始克成書上溯節母辭世之年已十載有餘矣余感煥曾哀慕之久知其錫類之思愈引而未有既也曷嘗論女之從一而貞也與夫子之孝於其親臣之忠於其君皆根於天性而不可移者也先王知性之相近而質有厚薄習有淳漓於是乎有勸懲之法驅天下之染而爲不善者敦勉以爲善成周鄉物之舉兩漢興孝察廉之詔有志於化民成俗者恆於斯廬廬焉後世好爲議論自處於僞而疑人

之僞凡夫閭巷之孝養竭力與夫硜硜守一節而不改

者率慮其非真其始嚴以待天下之善者其後習爲固然而寬以待天下之不善者嗚呼人心風俗之不一若其不以此與節婦旌門之令久而相沿不廢以女子微不能自達甚而尙有疑其好名者今請以煥曾所錄者觀之長吏所未聞紳楔所未逮子孫陳乞所未及非煥曾彙萃而表章之幾於鄉里莫舉其姓氏而爲節婦者苦志歿世而莫悔如是而可疑其好名乎夫好名亦後世所不禁而本於天性者不容僞斷不得疑之爲好名錄中所載天下可共信爲微隱無名而有待於表章者

越女表微錄

部序

二

也則凡節婦之幸而得與於旌者舉不得疑其好名也凡天下之孝睦廉靖者舉不得疑其爲僞也彰善癉惡不遺幽微豈非化民成俗之要道哉煥曾排纂有法其體例見各門小序讀其書知其所用心矣

乾隆五十年二月既望餘姚邵晉涵謹序

越女表徵錄序

蕭山汪進士煥曾既以其母與其生母之節孝上聞於朝得

旌表如例矣又推母之遺意以其同族中之節婦應旌格者如千人代爲之請於所司既又念單門貧戶所居窮僻夏或子息早絕叔伯靡依銜茶茹檠率保其貞其艱難辛苦視尋恆始百倍鄰翁里嫗未嘗不爲之咨嗟歎息不幸或不聞於士君子之耳無爲之稱說傳播者數十年之後故老且盡遺迹亦復就湮嗟乎地非秦越之異分無霄壤之隔而猶或不能以周知又安望其以

越女表徵錄

盧序

狀言縣縣以達府府以申之大府大府以聞於

朝廷也哉汪子惄然傷之加意訪求由同邑以及於同郡之七邑約同斯志者以爲之助意主於發潛閭幽故凡力足以自表見者不與夏四年之久先就山陰會稽蕭山餘姚諸暨嵊縣六邑所得合計之約三百餘人具錄事狀呈方伯國公乞檄縣旌門以爲風化之勸其無人爲主者縣爲備案俟異日修志乘時亦可以資採擇而上虞新昌二縣猶有需焉以待後之續請事既允行汪子又輯爲越女表徵錄四卷曰錄事曰類敘曰述譜曰外姻其體例皆見於小序中列上之後復有見聞又

彙爲一卷於後曰識軼仁乎哉汪子之用意何若是之

摯而達曲而盡也蓋嘗謂人也者天地正氣之所生也人能完天地之生氣始得成其爲人忠孝節義其歸一也然聖賢豪傑之所爲事皆炳炳著見於外美斯愛愛斯傳宜若無難焉唯婦人女子身處奧渫之地所執煩辱之事而早失所天誓不再偶內有寒餓之迫外有侵陵之患智竭於補苴力瘁於捍禦節之苦者在孤貧爲尤甚要其人本不爲名而名亦弗之及譬猶空谷之蘭自榮自落於荒煙蔓草間豈不淡可愍悼也哉此一編出而後爲造物弭不平之憾爲風教助激勸之權昔日

越女表徵錄

盧序

之淒風苦雨今視之皆景星慶雲也山川若爲之鮮潤閭里若爲之輝光後之人咸得有所徵以倭爲美談焉是則汪子之有功於名教者大也至於節婦之後有漫昌漫大者有不克自振至於泯滅無聞者遇之不同不特非人所能爲雖天亦無如之何也人祇自完其爲人而已矣他何知焉汪子示余此編適余北上息迫不能助爲訪求而先爲引其端如此

乾隆四十有五年季夏六日姚江盧文弨書於吳江舟次

越女表微錄序

嗚呼仁人孝子之用心豈有窮盡哉歲丁酉予復宰蕭山邑進士汪君以其二母雙節微言於予予敬成五百言復之踰年出所集當代名公卿贈言見示鴻章鉅制炳炳麟麟哀然成裘而予言亦廁其中予既媿不文又以念君之表揚二母苟有可採無不兼收而並蓄如此其至也又明年以所編越女表微錄屬予爲之序展讀終篇曰錄事曰類敘曰述譜曰外姻曰識軼凡五卷卷各若干人計三百三十有奇彙一郡中數百年來湮沒不彰之貞媛節婦或稽之家乘或訪之師儒或徵之故

越女表微錄

談序

老之稱述里巷之流傳無弗旁搜博討詮次而綴輯之以資志乘之採擇又得請於大吏以其冊下之郡縣有司扁旌之祠祀之以發潛德而闡幽光嗚呼甚盛事也此在士大夫維持名教固宜有然而自汪君出之則其仁人孝子之心惻然有動於中而不能自己者也何也是書之成成於慈母之一言也當二母矢節之時艱難困苦百變不渝遑計其後之必顯揚而彰大之哉使非有子而賢其不與集中所錄諸婦同歸於骨化形銷音沈響寂者幾何逮夫藐孤成立門閭光大奉以膺褒榮而崇綽楔遇固有幸不幸此慈母所由感而歎也爲

母也子者聞言惻愴心母之心卽以此爲報母之一端所謂仁人之心孝子之心也由是以推其意蓋將由族而鄉而邑而郡而天下且極之前古後今舉凡空閨孤嫠所謂天荒地老杳杳冥冥於同聲一哭之中者無一不破涕爲笑光日月而垂于春然後孝子報母之心快然而無憾非是則孝子之生也有涯幾長抱無涯之戚也嗚呼至矣其在詩曰孝思不置永錫爾類其是之謂夫君以序屬予固謂予職司風化有表章之責而予竊歎歎感悼夫君之用心而矍然以起也爰搦筆而爲之序

越女表微錄

談序

乾隆四十五年歲上章困敦仲夏辛卯上元談官誥拜撰

越女表微錄總目

卷首

徵越郡節孝事實啟

上藩憲狀

上學憲狀二

卷一

錄事

卷二

類敘

卷三

述譜

卷四

外姻

卷五

識軼

卷六

續增

越女表微錄總目

越女表微錄

總目

徵越郡節孝事實啟

旌表節孝著在令甲而得旌之難約有數端
於人無資者詘於力年未五十者詘於例彼
有子與資而濡遲就湮者不與焉輝祖不幸生十一年
而孤恃先繼母王太孺人先生母徐太孺人食貧砥節
以養以教洎奉

朝命旌表雙節則先生母已棄養三年語及族婦未與
旌者先繼母輒慨然不憚輝祖是以徵之家乘覈之鄉
評得寒家苦節之婦二十三人皆上其狀於縣府給扁
旌門附主節孝之祠今先繼母棄養又二年矣求所以
報吾兩母者更力無可致因念往者兩母推己及人矜
恤窮嫠之意由同族而周於同里由同里而通於同邑
由同邑而廣於同郡凡諸苦節之婦或貧而無子或有
子而貧

旌典之所弗逮意欲錄其梗槩章其姓氏而奔走四方
於郡邑之事見聞鮮尠用布愚誠敬告同志因族而親
而友輾轉訪查其有安貧矢節窮而無告如前所云云
者無論遠近歿存統祈開具事實郵筒寄示輝祖不文
不足敷揚高行而據事輯綴分不敢辭如力能上陳
當事必當代請扁表即力不從心亦必轉求有道德而

能文章者著爲傳論以備志乘之採擇夫青閨守志非以邀名且正氣自在天壤亦不藉文字以流傳傳不傳於節婦何所加損而闡貞風於旣往發潛德之幽光則吾黨之事也惟是前所云云大率門戶衰微志事晦隱非苟按博考難得其詳敢乞仁人君子悉心殫力隨地畱神勿遠而遺勿親而飾豈惟貞魂亮節仰賴表章抑輝祖得藉手以成先人之志實厚幸焉至於貞女烈婦孝婦事同一例竝祈兼採歧余望之矣

乾隆四十一年歲游兆涖灘仲春旣望蕭山汪輝祖謹啓

例言六則

- 一貞節事蹟不拘繁簡請件繫條分各從其實
- 一籍貫以夫家爲主其嫁在同邑者母家不煩贅敘如母家夫家邑里各別應請詳述父若夫姓名及有科名官職者一一開示
- 一本人于歸及夫亡并身歿各年歲均須詳覈
- 一現存節婦貞女其守志之年及現年若干歲竝請查註
- 一烈婦捐軀之年月斷勿從略
- 一孝婦須有實在艱苦情事如止井臼承歡可無

瑣敘

趙女表微錄

徵節事蹟啓

三

上學憲蕭山縣節孝貞烈事實請給旌匾竝祠廡
附主狀

具呈蕭山縣進士汪輝祖爲乞表窮嫠 恩飭附
祀以章志操以勵風俗事竊惟蕭山

敕建節孝祠於乾隆三十五年改建之時邑人捐建旁
廡三間安設

憲旌節孝神牌輝祖向爲二母請

旌建坊母氏念及同族苦貞之婦無人陳請者感涕交
并輝祖因由族而邑而郡與編修王增邵晉涵主
事來起峻進士王宗琰舉人樓卜瀧翁元圻陶廷

越女表微錄

請旌狀

珍生員王元春鄭王賓等各就所知輾轉採輯數
年以來得山陰會稽蕭山諸暨餘姚嵊縣節孝貞
烈婦女三百餘人於四十四年九月具狀藩司蒙
檄府縣褒異緣節孝祠之有旁廡係蕭邑勸設是
以未經申請伏念下戶貞媛窮鄉苦志不能盡邀
旌門之典卽不獲上祠

敕建之祠今蕭邑幸有旁廡可以仰邀

憲德推廣

皇仁恭惟

大人氣轉洪鈞襄榮華袞風聲所樹人紀爲昭謹將

蕭山縣節孝貞烈各婦女事實清冊呈送

憲案伏乞

大人俯憐苦行給匾旌表并賜核冊飭發儒學存查
以備修志時採錄其有該節孝後裔及親族人等
情愿備主入祠者聽其附祀廡內以章志操以勵
風俗事繫激勸當不獨九地貞魂銜感

恩施已也乾隆四十五年十月初七日呈初十日

蒙

欽命吏部左侍郎提督浙江學政加六級紀錄十次王
批據呈蕭邑節孝貞烈各婦女未及請

越女表微錄

請旌狀

旌者請給廡匾竝請核冊飭發儒學以備採錄事關激
勸殊屬義舉可嘉准照所請竝給勁節幽芳四字
以章志操以勵風俗事實清冊二本一附案一發
該學仰卽存檔可也十月十二日奉發事實冊竝
原呈檄行蕭山縣儒學遵照存案

上藩憲請褒越中節孝狀

具呈蕭山縣進士汪輝祖爲博徵苦行錄實祈褒事竊惟

皇仁表節里崇斷石之坊婦德完貞祠勒題名之碣窮不憂於無告善何患其勿彰然而發端在保社之間吹求瑣瑣申報由學官而上考覈層層罰無疏漏之條事以因循而誤自非息子誰聞幽光降及孫曾都成陳迹故伶仃下戶懷清不乏嫗嫗而遼闊多年潛德易歸湮沒輝祖鞠從二母深知蓄燭之難乞得

越女表微錄

請褒節孝狀

十行竝許卓鳥於宅閒因侍帑幸話旌門而母方欣

曠典之親膺旋慨

殊恩之溢分謂族姻某某亦勵貞操何蓬華蕭蕭不聞裏異誠小子母忘茹苦願他年更計推

恩輝祖當据家乘得節婦二十三人稍爲詮排上之縣府時以方攻帖括未暇搜羅何圖一第倖叨慈顏頓謝九京不作遺訓難承負此生昊天罔極之悲眷疇昔同病相憐之語冀成先志博采嫺閨布同好以腹心溯流芳於桑梓山陰則編修王增會稽則舉人陶廷珍蕭山則主事來起峻舉人王宗琰

生員鄭玉賓汪銓餘姚則編修邵晉涵舉人翁元

圻諸暨則舉人樓卜瀟嶧縣則生員王元春共襄厥事各舉所知發隱表微有力者不錄循名責實無徵者弗登力瘁四年地周六縣或居貧而無嗣或鬻子而固窮或時遠而名章或義昭而世絕稽其年歲均爲合格之人揆厥遭逢將在就湮之數有可傳而傳者豈涉瞻阿無所爲而爲之曾何假借至於貞姬守義烈婦殉夫以及奉舅刲肌救姑割臂情尤可愍道竝難能無非厲俗之模率皆据實以紀恭惟

越女表微錄

請褒節孝狀

大人彝倫標準名教宗師褒以一言榮直逾於華袞俟諸百世信可壽於彤編是用略緝芬徽伏乞俯垂觀覽昔者大威從政先旌李婦之廬度尙蒞官首謁曹娥之墓風聲以之不樹史冊著爲美談以古方今於斯彌盛敢祈

大人撒行所司之縣扁表諸女之間其有歷代既遠無間可表者竝飭備存檔案於修志時稍資徵引溫重泉之寒鳧知正氣不與形銷扇髮室之貞風庶弱寡更無隅向則小人有母窮壚酬推及之私卽

大化無遺廣廈庇單微之族矣所有上虞新昌二縣輝祖現在確求容當續稟謹呈計呈事實冊八本乾隆四十四年九月二十三日呈本月二十九日奉

欽命浙江等處承宣布政使司布政使加三級紀錄十次國 批娥江孝躅古自垂型楓嶺貞操今能嗣美卽令聞之勿替見正氣之長畱該進士推不置之思爲閭郡闡就湮之跡覽茲載冊事皆信而有徵溯彼流芳名可傳之不朽竝如所請轉飭有司各予嘉稱用光潛德樹烏頭于宅里雖有待焉備

越女表微錄

請獎節孝狀

三

彤管之稽求此其略也冊存核餘候檄發府縣備查十月十七日奉發事實冊七本行紹興府轉行山陰會稽蕭山餘姚諸暨嵊縣分別存案備志乘採錄仍聽各本家自行立扁

上學憲續褒越中節孝狀

具呈蕭山縣進士汪輝祖爲續採節孝叩 恩褒異事竊輝祖承二母遺志搜採紹郡節孝婦女之事蹟就湮者於乾隆四十四年得山陰會稽蕭山餘姚諸暨嵊縣凡三百五人開具事實呈請 藩憲國 分行各縣存檔入志嗣緣蕭山節孝祠設有祠廡復將蕭邑諸女具呈

陞憲王 給匾附祀輝祖自將節孝事略分類綴輯爲越女表微錄四卷以備志乘採擇因上虞新昌二縣未暇周訪具呈之後復輾轉諮詢上虞則

越女表微錄

續狀

泰順教諭范景炎舉人胡如瀛新昌則布衣石茂嘉協力訪求六年以來上虞得五十四人新昌得四人又續得山陰四人蕭山八人嵊縣四人或茹苦立節或秉義捐軀或未嫁守貞或刲肌盡孝事皆確著與 旌格相符恭惟

大人名教宗師人倫模範褒榮一字論定千秋用敢繕具各婦女事實清冊呈送

電核伏乞

大人俯念苦行可矜給匾褒異并將各冊

恩賜蓋印分發各縣存檔備查將來可以錄入志

乘則貞風所扇儒立頑廉輝祖藉得稍酬先志銜
感直同身受矣乾隆五十年正月初七日呈蒙
欽命宗人府府丞提督浙江學政加四級紀錄十次實
批准卽分別獎勵

越女表微錄

續狀

二

越女表微錄卷一

蕭山汪輝祖煥曾纂

錄事

人必蓋棺論定而婦人年三十以下守節至五
者 功令卽予旌表信其志也或嫠居已踰十五
年而未及五十死者亦旌之然而僅矣自 國初
以來據各家譜乘及所聞見年與例協事可紀錄
者稍爲詮次孝婦貞女烈婦並類列焉

越女表微錄卷一

錄事

烈婦郁氏山陰人適同縣白洋邨朱爾平早寡值鄉兵
倡亂以素裹額號稱白頭兵剽劫邨落郁走避鄰邨西
展賊追及之跳身入河賊屈利刃繫長竿以鉤其衣郁
就刃自刎賊引竿刃脫而郁已死矣西展人出其屍衣
袴皆縫紉相屬葬之塗山是時順治二年也乾隆三年
里人朱悅仁嘗求其墓徵詩越中

潘氏二烈婦者潘兌卿妻朱氏實卿妻沈氏也順治初
年相率避鄉兵之亂方出門與亂兵值朱謂沈曰事急
矣不死將辱遂自投於河沈亦從溺死

李貞女山陰安昌鎮人父聖有許字同縣滕文俊未婚
而文俊死女聞變請往滕氏守節父不許貞女出雙股
刀欲自刺父不得已往告滕氏滕母辭以貧貞女曰姑
貧兒早知之兒十指可以自給必不爲姑累父察其志

堅送之勝氏至則憑屍哭屍目忽張通體汗發如珠貞女以手指攔屍目祝曰吾既來決無還理盍瞑瞑如初貞女以帨拭屍收其汗藏之拜姑行婦禮姑包氏故贅也執其手泣曰了此事大不易兒毋孟浪貞女對曰願得一子嗣郎兒必奉姑以老因以從子元棟後文俊貞女遂畱勝氏歷四十二年及見二孫之成立也是時同里楊仲素女字諸生高次升亦未婚守志而嗣子廢產以博歸死於母氏之黨安昌人爲之語曰楊花白李花白楊花作萍李花實

俞言績妻吳氏年二十歸言績舅嚴厲言績學不中程

越女表微錄卷一

錄事

二

輒縛庭柱撻之詆訶及吳無慍色凡八年言績死無子吳盡賣嫁時衣飾器具買田五畝收租入自活既而舅歿姑暴卒言績兄弟皆遠出娣姒不知所爲吳賣其田治壘而力貧以終其身

王繡麟妻汪氏蕭山人年二十四而孀嗣從子赤章撫畜至長既授室而赤章蕩游不顧養汪與其婦茹苦相依甚至終日不能舉火嚴冬猶衣敗絨或臯赤章則曰窮苦吾命也惟悔不能教子累吾新婦且無以慰吾夫耳至死無怨言

婁廷學繼妻朱氏初嫁時廷學父母在堂兩弟皆前娶

家無中人產而舅好施與朱往往私鬻衣妝以進亡何遭舅喪益窶至廷學病且卒而貧不可支矣廷學之卒也朱方有身越二十三日生鳳恩矢志立孤既終喪父迺之以姑老辭姑曰我尚有兩婦在慰而遣之遇歲時伏臘及舅與夫忌辰必歸歸則對姑嚶咽不忍別在父家晝夜勤女事鳳恩就外傳束脩之奉必出自閨中鳳恩因感奮勵業弱冠入縣學始廷學無斂具朱賣屋以辦既食於父積二十餘年手指之力復之遂挈鳳恩歸故居而病已不起後數年鳳恩亦死

王元捷妻陳氏王氏先世家爲里豪所侵元捷爭之不

越女表微錄卷一

錄事

三

勝繼以鬪負重創死陳年少有富人子欲娶之誓死勿聽以織紵長其二孤痛夫讎不報每展墓輒悲號竟日沒齒無見其笑容者

烈婦方氏山陰余乙妻也嫁一年夫歿送葬還勺漿不進姑握其手泣曰若不難死顧若死吾夫婦誰與生者方勉食飲供婦職如平常鄰媼諷其改適默不應久之舅姑亦勸如媼語涕泣以謝先是方辨色卽興其明日日高春未起姑以爲病也排闥入已服鹵汁死矣王光新妻樊氏既寡舅姑相繼歿夫兄弟久析居巷葬所須不以孀窶自諉鞠三月孤娶婦生孫婦大又撫其

遺孤一身百爲苦延夫祀

胡其淵妻章氏會稽人父酌先官工部主事年二十四夫卒子生始四月家故貧然不名母家一錢姑諭使歸寧輒婉謝曰寡婦不與姑相依人將疑之雖老不踰戶

闕

余極妻陳氏年二十二極死舅姑愍其無子諷使去對曰家有再醮婦不若有餓死婦也安貧厲節舅姑歿負土成墳以夫附焉

楊紵妻傅氏錢塘人年十八歸紵紵既補學官弟子以驚文客死二子桂森一女俱幼傅匍匐歸紵置葬先人

越女表微錄卷一

傳事

四

基次紡績餬口屢遭儉歲至一二日不食怡然處之教森服賈桂治舉子業桂既入郡學旅歿廣東傅愀然曰讀書種子不可斷也復自力生計而督森攻儒久之森隸會稽學官女適同縣學生孔傳習割臂治夫疾今亦寡居以節著

王元度妻李氏初嫁元度卽病盡債箱篋療之其寡也室無長物女生未辟撫從子甚慈嘗曰女雖腹出吾夫一盂飯終在嗣子也女長織作所入皆以給嗣子比嫁著簪布裙而已

余尊之妻施氏蕭山人嫁二年夫亡孤生才五月性剛

烈舅姑懼其從死慤譬再三施喻其悵謝曰郎不幸子職未竟責在新婦新婦必不敢以乳下兒累兩大人也後數年舅姑繼歿假子錢斂葬取償兩手債家感其誠孝有不忍受息者

全貞女者山陰全鳳岡女也年十七許字同縣孫龍蟠龍蟠奔父喪大梁十餘年無音問謫言客死龍蟠母語媒氏屬女他耦女不肖又十年龍蟠歸自皖江病瘵佺然待盡女聞固請于母欲省龍蟠母同媒氏送之孫氏拜始成婦禮訖入龍蟠寢室去飾侍臥榻旁扶掖抑搔治湯藥盡兩晝夜不交睫而龍蟠竟死初龍蟠之見女

越女表微錄卷一

傳事

五

至也伏枕雨泣不能出聲女爲之收淚而撫之曰郎何慮吾年如此必不負郎矣龍蟠引兩手當胸作拱狀曰好好以婆婆累汝龍蟠死女自稱寡婦以龍蟠弟獅雄之子爲嗣慈撫之未幾子殤獅雄又再三舉子連嗣連殤獅雄亦死女仰天號曰天禍孫氏至矣吾命至此卽生於郎何補不食者二日已而姑晝夜哭女復自念曰卽以姑屬我我不終事姑死且負郎勉進蔬食與獅雄婦力操作治生以奉其姑至於老

王聖符繼妻趙氏山陰趙漢良季女也其姊嫁聖符而天趙繼焉是時趙年十七越二年聖符死漢良臨壙握

女手慟曰吾悞汝今奈何矣趙輟哭謝曰兒命也當撫姊子以活耳顧王氏先世自休寧來遷支屬單寒無可倚者王受廕于父力長其子又七年子殤趙年二十六漢良欲嫁之對曰兒必不玷父幸父勿兒玷也漢良勿復言稍賜其乏已而漢良死趙益窘作苦不少休息積二十餘年葬聖符及前室而虛其右廡以自待

沈敬承妻朱氏年十八歸敬承敬承方免舉未葬朱卽捐衣珥贊之未幾敬承病罄資救療養殮不能具日煮粥一甌食其子而忍飢以爲常敬承病革領其子于牀側循其髮屬朱以目朱泣且應曰此雖釋必不謂他人

越女表微錄卷一

錄事

六

父也敬承死貸債家錢治斂約備緘五年庚其子母頃之子痘殤債主勸他適恚曰若欲以吾身價抵負邪急辭之歸而晝夜紡績卒償所貸錢時或兩日一食志不少挫

李郊占妻王氏生子未晬郊占客易州五年歿於旅舍先是夫兄亦客雲南姒早死子女弱小王撫如己出至是夫兄亦以器歸王爲之殯葬數十年間娶婦擇壻皆王任之李宗復振

黃文社妻沈氏文社農而窶有弟二人同堂異炊既殤舅姑憐其貧以贍事責之二子沈鞠子至年十六請於

舅姑奉養如夫在時子爲人短小多病沈教以務農身必先之會歲旱苗將槁沈率其子踏水車中晷幾死而歲入所佃租必先他人曰吾寡婦孤兒家不可有催租人腳迹也故業田者樂得以爲佃用成其家

楊氏二節婦楊清妻莊氏植妻陳氏也莊長洲人年二十六歸清清南寧典史未一年卒於官無子親戚之在滇者多勸莊改嫁而殯清南寧莊引義自矢卒反清匱於先塋是時清弟植有子三人莊以長子後清植婦陳杭女也清卒之三年植亦死陳年二十八與莊協志撫孤稱雙節云

越女表微錄卷一

錄事

七

胡延瑞妻沈氏夫亡伯叔相繼死家酷貧娣姒皆就養於母家沈獨畱身事姑畢其養葬又以從子及子先後病羸百計改葬其先世比啓故冢則水蟻交侵矣葬後病者瘳胡氏之不斬沈之力也

高孝婦袁氏少孤母業販鹽年未笄嫁同縣陸應高甲先是姑姓悍獲罪於族擯居陳家莊袁請歸故廬姑以爲許也恚而杖之袁事姑益謹久之甲遠游而姑病家貧不能延醫有醫師道出陳家莊者袁求之弗應且跪且拜涕泣從其後行二里許醫師感動爲視脈法已不治醫師謝去袁私羹股以進姑病良瘳值歲祲紡緝不治